

| Arkiv | Saksbehandlar | Møtedato | Sak nr. |
|-------|---------------|----------|---------|
| 335.3 | Knut Øyjordet | 08.02.17 | 9/17    |

## BEITEVEDTEKTER FOR LANGMORKJE OG NORDHERAD STATSALLMENNINGAR

### *Saksdokument:*

Gjeldande beitevedtekter, sak 17/77 (er kopiert og vedlagt saka).

### *Saksutgreiing og vurdering:*

Gjeldande beitevedtekter er gamle, dvs. frå 1977. Sjølv om det meste av innhaldet i vedtektene framleis er dagsaktuelle, er det greitt med ein gjennomgang av dei nå. Fjellstyret bør fyrst vedta eit forslag som blir sendt på høyring til m.a. beitelaga og elles blir gjort kjent for bruksretten, t.d. gjennom "Informasjon frå landbrukskontoret". Det bør også vurderast om det skal arrangerast eit ope møte.

### **Innstilling til vedtak:**

Fjellstyret foreslår følgjande beitevedtekter for Langmorkje og Nordherad statsallmenningar:

I medhald av § 16 i fjellova har Vågå fjellstyre fastsett følgjande beitevedtekter for Langmorkje statsallmenning og Nordherad statsallmenning gjeldande frå 1. mai 2017:

1. Jordbrukar med beiterett i Langmorkje og Nordherad statsallmenningar, har høve til å beite fritt med lausfe under vilkår som nemnd i punkt 2, og innanfor rammene etter § 15 1. ledd i fjellova, dvs at "Jordbrukarar med beiterett i statsallmenning har rett til å beite med så stor buskap som han kan vinterfø på eigedomen".
2. Lausfe, dvs. sau og storfe, kan berre sleppast frå hamnegang ved gardsbruk eller seter som tilhøyrrer lausfeeigaren. Slepp av hest på utmarksbeite kan skje blant dei med beiterett og på same vilkår.
3. Fjellstyret kan etter søknad godkjenne at det vert beita med større buskap enn det § 15, 1. ledd opnar for (sjå punkt 1), når det kan skje utan skade for andre bruksrettshavarar (jf. reglane i fjellova).
4. Fjellstyret kan godkjenne at det blant dei med beiterett blir oppretta organiserte beitelag, og kva for område slike beitelag kan sleppe dyra sine. Fjellstyret oppmodar dei med beiterett om å bli med i organisert beitelag. Fjellstyret har pr. 2017 godkjent følgjande beitelag:
  - Leirungsdalen beitelag. Fellesbeite for sau.
  - Besstrondfjellet beitelag. Fellesbeite for sau.
  - Russdalen beitelag. Fellesbeite for sau.
  - Hindflya beitelag. Fellesbeite for sau.
  - Fuglhø beitelag. Fellesbeite for sau.
  - Stuttgongkampen beitelag. Fellesbeite for sau.
  - Tessand beitelag. Fellesbeite for sau og storfe.
  - Baksida beitelag. Fellesbeite for sau og storfe.
  - Nordherad beitelag. Fellesbeite for sau.

I tillegg har fjellstyret godkjent to fellesetrer for geit i Griningsdalen.

Fjellstyret har elles ei hamneleigekontrakt med Vågå Tamrein AS.

5. Beitelag med fellesbeite for sau kan innlemme brukarar med storfe i laget, men berre brukarar med seter i området. Spørsmål om å innlemme brukarar med sau eller storfe som ikkje har seter i området, skal godkjennast av fjellstyret.
6. Når to eller fleire brukarar med beiterett driv saman (samdrift), må slepp av lausfe frå to eller fleire besetningar bli godkjent av fjellstyret dersom slik slepp er tenkt berre ut ifrå ei seter tilhøyrande ein av brukarane. Slik godkjenning trengst ikkje dersom brukarane har seter i same området.
7. Fjellstyret kan etter søknad gje andre enn dei som ikkje oppfyller krava som nemnd i punkt 1 (dvs. utanbygds), løyve til beite med lausfe, men innafor reglane i fjellova.
8. For brot mot beitevedtektene, og beite utan beiterett, blir det synt til § 37 i fjellova.

Forslaget blir sendt på høyring til beitelaga, faglaga og til kommunen, og med frist 1. april for eventuelle merknader.

**Vedtak:**

Samrøystes: Som innstillinga.

*Rett utskrift. Går til:*

Vågå-Sel bondelag v/Anders Formo

Vågå bonde- og småbrukarlag v/Geir M. Thorud

Vågå kommune, landbrukskontoret

Beitelaga:

Leirungsdalen beitelag v/Jo Aasheim

Besstrondfjellet beitelag v/Jo Øien

Russdalen beitelag v/Anders Strand

Hindflya beitelag v/Arne Martin Solheim

Fuglhø beitelag v/Per Sveahaugen

Stuttgongkampen beitelag v/Mathias Snerle

Tessand beitelag v/Aase Odnes

Baksida beitelag v/Odd M. Oden

Nordherad beitelag v/Ivar Myrum

Vågåmo, 08.02.17

Knut Øyjordet (e.f)